

DISERTATIO ACADEMICA,

DE

GANYMEDE, VIVENTE,
IN OLYMPUM SURREPTO,

QUAM,

CONSENSU AMPLISS. FAC. PHILOS. ABOËNS.

PRÆSIDE

JOHANNE BONSDORFF,

Litter. Græcar. Profes. ord.,

PRO GRADU PHILOSOPHICO,

PUBLICO EXAMINI SUBJICIT,

SALOMON SAVENIUS,

Stipend. Publicus, Wiburgensis.

In Auditorio Medico die XXIX Junii MDCCXV,
horis a. m. confvetis.

ABOË, TYPIS FRENCKELLIANIS.

20.

DISSESSATIO ACEDIAICA

se

ΕΓΑΛΥΜΕΝΙΑ ΒΗΓΑΤΙΛΙ
ΙΝΟΛΙΜΕΝΙΟΝ ΕΓΑΛΥΜΕΝΙΑ

επάρχοντα

Επαρχία Αγρινίου Πελοποννήσου

Ἄτινα εἴνιον αλλεγορούμενοι

Verba Divi Pauli.



Antiquas Græcorum fabulas, utut, si verba pre-
mere velis, inanes & incredibiles, infantilia
tamen generis nostri, de rerum ortu, causis & na-
tura, immo factis & eventibus vel maxime natu-
ralibus, philosophemata involvere, agnoscant quot-
quot sunt qui mythis hisce extricandis suam dicare
voluerint operam. Tantum enim abest, ut Poëtæ
& Mythographi, si vel quidquam ex suo insperse-
rint ingenio, figmenta hæcce, aranearum, telas
suas ex seipolis producentium, instar, genuen-
t, ut potius verum sit, quam quod verisimilum,
nonnisi physica, moralia & intellectualia
phænomena, qualia adhuedum indomita & effræ-
nata prisorum sinxerat phantasia, fabularum in-
volueris contineri. Licet namque qui supra vul-
gum sapuisse censendi sunt vetustiores Græci, quor-
um fabulæ istæ tendant, in scriptis suis intactum
fere relinquant, sive quod ipsi accurate satis expli-
care non amplius noverint, sive quod μυθούς, ve-
tustate sua sacros, enucleare, rudemque & credula-
lam, miraculosis narrationibus omni ævo mirum

A

quan-

quantum oblectatam, plebem in præjudiciis suis turbare periculose duxerint, nobisque ideo, quid in recessu habeant, non semper & ubique expiscari sit datum; e plurimis tamen, quarum etiamnaum indubia est origo aut saltem probabilis reddi potest ratio, fabulis, jure colligitur, prima omnino religionis & philosophiæ Græcanicæ femina & περπα-
δευματα in narrationibus hisce latere mythicis, veraque facta & eventus iisdem haud raro adumbrari.

Hujus vero rei, quum fabula decantata de Ganymede, Trois filio (*a*), vivente in Olympum surrepto, illustre præbeat exemplum: non omnem fortassis

a) CICERO, *Tuscul. quest. L. I. C. XXVI.*, Ganymedem patre Laomedonte ortum esse, videtur ponere. HYGINUS vero, *Fabu'or. Libro*, alio quidem loco, (*Fab. CCLXXI.*) Erichtonii, alio autem (*Fab. CCXXIV.*) Asfaraci, filium, eum salutat. TZETZES contra, in *Commentar. ad Lycopronis v. 34*, Ganymedem pro Laomedontis fratre (itaque *Ilí filio*) habet. Sed horum, ex vacillante sine dubio memoria prosectorum, testimoniorum tanto minus habenda est ratio, quo certius ex HOMERO (*Iliados Rhaps. XX v. v. 230 – 32*) plurimisque, qui ejus innituntur auctoritate, Scriptoribus Græcis, v. gr. DIODORO SICULO (*Bibliotb. L. IV. C. LXXV.*) & APOLLODORO (*Bibliotb. L. III*), constet, Erichtonium gensisse Troëm, hunc vero filios habuisse, *Ilum*, *Asfaracum*, & *Ganymedem*. Immo ipse TZETZES, ad *Lycopronis v. 1232*, Ganymedem Trois filium facit.

tassis operam & oleum perditum ibimus, si, quomodo orta sit, speciminis, quod nobis, ad Parnassum tendentibus, injungunt Leges Academicæ, loco, paucis explicuerimus.

Hoc autem respectu, in antecesum monendum est, ipsos Veteres in fabula hacce enarranda esse discrepantes. HOMERUS quippe, Ganymedem, ob eximiam pulchritudinem, a *Diis* surreptum fuisse, ut *Jovi* eset a *poculis* (*ονοχοος*), auctor est (b), eumque multi Græcorum alii sequuntur præeuentem (c). Alii vero, sed patre poëtarum multo juniores, ab ipso Jove puerum huncce pulcherrimum raptum fuisse perhibent (d), & quidem tur-

A 2

pis

b) *Iliados Rhaps.* cit. v. 253. seqq.

c) Cfr. DIODORUS SIC. I. c., PAUSANIAS *Descr. Gr.* L. V. C. XXIV, ATHENÆUS *Deipnosoph.* L. XIII. C. II. e. q. f. c.

d) Cfr. *Hymnus* (HOMERO vulgo adscriptus) in *Venerem* v. 205 — 10, APOLLONI RHOD. *argon.* L. III. v. 115 — 17, ATHENÆUS L. c. C. VIII. Immo Ganymedem, sive, ut veteres Romani, ex falsa pronuntiatione, eum appellarunt, *Catamitum*, a Jove, aquilæ, sibi sacratæ, speciem induito, raptum fuisse, sibi fixit fabulosa antiquitas. Vid. APOLLODORUM I. c., THEOCRIT *Idyll.* XV. v. 124, LUCIANI *Dial. Deor.* IV. 2, HYGINI poet. *astron.* L. II. C. XVI, LACT. PLACIDI narrat. *fablear.* Fab. IV. OVIDII *Metamorphos.* L. X. v. 155 seqq.

pis amoris causa, ut nonnullorum fert opinio (e). Ex hac tamen diversitate nihil aliud sequitur, quam HOMERI ætate, fabulam, qualem ipse narrat, per ora hominum volitas est; currente autem tempore, raptoris personam ipsi Jovi fuisse delataam, tandemque, quum apud Græcos invaluiset nefanda, in quam acerbius jam invehitur PLATO, παθερασιας libido, finxisse sibi qui hac in parte contra natu-ram peccarunt, Ganymedem ut turpis amoris causa a Jove abreptum, quo sic quidem sceleris horren-di, cui ipsi erant dediti, infamiam, Dei exemplo, quodammodo excusarent & diluerent (f).

Neque minor in Græcorum fabulam explican-di periculis diversitas. HERODIANUS nempe (g), fama ad se perlatum commemorat, Ganymedem, in

VIRGILII *Aen* L. V. v. 252 seqq. Neque alio consilio aquila for-mam Jovi Ganymedem rapienti attribuisse videntur antiqui, quam ut *saptus* depingeretur celeritas, quem aliquid jure obseruat CEDRENUS l. mox citando. Legimus namque l. c. *Hymni in Vener*, divinam h. e. rapidam *procellam* abi-puisse, quod eodem unque recidit.

e) Cfr. *Schol.* ad APOLLONI, RHOD. l. c., ARNOBIUS *adv gentes* L. V. p. 172 Edit. Lugd. A. 1651, HYGINI Fab. cit. CCLXXI, coll. poët. affrou. l. c.

f) Cfr. PLATO *de Legibus* L. I. oper. T. II. p. 636. Edit. Henr. Stephani A. 1578, itemque ARNOBIUS l. c.

g) *Historiar.* L. I. C. XI.

in acerrima, quam Ihus Tantalusque Pessinunti commiserunt, pugna, cecidisse; corpore autem nullibi deinceps reperto, in calamitatis solatum, fictam fuisse de Jove raptore fabulam. CEDRENUS vero (*h*), fabulam nostram ita exponit: Troëm, urbibus, priscorum memoria celeberrimis, Troja atque Ilio, a se conditis, ex promisso, quod Jovi fecerat Europæo, misisse Ganymedem cum quinquaginta viorum comitatu ad templum Jovis laudati, ut victimas donaque offerrent; Tantulum vero, quod ægre tulisset, Troëm non se, æque lac cæteros vicinos, ad urbium istarum dedicationem invitasse, dolumque in expeditione ista latere suspicaretur, misso exercitu, Ganymedem cum suis rapuisse (*i*); indeque, & quia Ganymedes, turpitudine rei tactus & morbo implicitus, vita non multo post excessisset & Tantali jusu, in templo allato (*Jovis*) sepultus fuisse, fabulam confictam esse, Ganymedem a Jove in

b) Compend. historiar. p. 120. Edit. Paris. A. 1647.

i) Ob hunc item raptum, Troi & Tantalo bellum exortum fuisse gravissimum, præente Poëta *Phanocle* (cujus tam non amplius superest poëma), referunt OROSIUS *adv paganos L. I. C. XII.* & EUSEBIUS *Chronicon, Libro 2:ore ad A. DCLIV;* quorum hic quidem insuper addit: *frustra igitur Jovis fabula, & raptrix aquila confingitur.* Quid quod bellum hocce continuatum fuisse a Trois & Tantali filiis, Ilo & Pelope, e PAUSANIA *Descri, Gr. L. II. C. XXII.* coniicere datur,

in aquilæ formam converso (ob celeritatem raptus) abreptum, ejusque pincernam factum (k). SUIDAS contra (l), Minoëm verum Ganymedis facit rapto-rem (m). Narrat namque, Minoëm, magna Trois filiorumque ejus fama incitatum, urbem petiisse Dardanum, ibique, hospitio exceptum, donis datis & acceptis, rogasse Troëm, ut filios arcesseret, quo & ipsos videret & munieribus afficeret; respondentē autem Troë, eos venatum esse profectos, Minoëm, præmissis ad locum, ubi venarentur pueri, fluvium sc. Granicum, quibuscum appulerat navigiis, se quoque eodem contulisse & Ganymedem abreptum in Cretam transtulisse, loco isto *Harpagia* (n) no-men

k) Alii, referente BANIER *Erläuter. d. Götterlebre und Fabeln aus d. Gesch.* T. V. p. 113, Tantulum, qui & ipse *Jovis* ferebatur esse filius, captivum Ganymedem pocillatoris apud se muneri præfecisse, indeque originem fabulae derivandam esse, statuunt.

l) In *Lex.* sub voce *Miwo*.

m) Neque tamen solus Græcorum, hanc sententiam amplexus est SUIDAS. Meminit namque ATHENÆUS L. c. XIII. C. VIII. *Ecbemenis* cuiusdam, qui in *Creticis*, non a Jove raptum Ganymedem tradiderit, sed a Minoë. EU-STATHIUS vero ad l. c. *Iliados* ita habet: οἱ δὲ, ἵσοιςσιν, ὃπο τοι Μιωος αἴρεταις (τοι γανυμηδῖν) καὶ τοι της αἴρεταις τοπον, αἴρεταις πληθῆς.

n) Locum *Harpagia*, Ganymedis raptu inclytum, commorat quoque STRABO *Geogr.* L. XIII. p. 878, 79. Edit.

men inde sortito; postquam vero, præ dolore, gladio sese trajecisset puer, illum in templo (*Jovi* facrato?) sepultum fuisse a Minoë, eamque ob causam dictum esse, Ganymedem Jovis frui consuetudine.

Interpretamentis vero hisce usque adeo sibi invicem repugnantibus, concludere fas est, nihil omnino certi, utrum Ganymedes, casu quodam, qualidemumcunque, five terra five mari perierit, an vere a quoquam fuerit raptus, neque antiquitus innotuisse, neque hodie posse definiri. Quidquid sit, omni tamen dubio caret, nonnisi ex eo, quod, Ganymede desiderato, nulla unquam, quorsum fata eum tulissent, remanserint vestigia, enatam esse de Diis surripientibus fabulam; pocillatoris vero apud Iovem munus tanto majori quasi jure ipsi affinxisse superstitionem seculi, quod admirandæ, dum vixerat, fuisset pulcritudinis, ita ut, qui vel Jovi bibere ministraret, eenseretur dignissimus, nihilque in tota antiquitate vulgatus fuerit, quam humana ad Deos transferre. Probe namque tenendum est, priscos, ex sua, multis adhuedum placente, religione, res atque eventus, quorum causæ ipsis laterent atque rationes, ad Deos tanquam auctores retulisse, plurimam-

Amstelod. MDCCVII; verum, e *Dardanio promontorio*, Dardano vicino, rapuum fuisse secundum alios, subjicit. Ex opinione autem VIRGILII l. c., ab *Ida* frondosa, ubi venaretur puer, eum rapuit Jovis armiger, aquila,

rimaque proinde, in historia antiqua, hominum, qui, quum, aut clanculum e medio sublati fuissent, aut exitum alias habuissent vulgo incognitum, nec corpus invenire contigisset, aut etiam clam, vel ipsi se suorum conspectui illico subduxissent & aliorum fecessissent, vel, aliorum ope & machinationibus, fuga sese receperissem, nec unquam rediissent, in cælum ferebantur surrepti, præter Ganymedem nostrum occurrere exempla. Sic ex. gr. DIONYSIUS HALICARNASSENSIS (*o*) commemorat, acerrima, non procul a Lavinio, inter Rutu'os & Æneam commissa pugna, noctis tandem interventu, multis utrinque desideratis, diremtose fuisse exercitus: corpus vero Æneæ, quia nusquam terrarum amplius apparuisset, alios quidem, eum ad Deos surreptum, alios autem in flumine, juxta quod pugna fuerat commissa, necatum, conjectasse. Apud LIVIUM vero (*p*) relatum legimus, Romulum, quum ad exercitum recensendum concessionem in campo ad Capræ paludem haberet, subito coorta tempestate cum magno fragore tonitribusque, tam denso operatum fuisse nimbo, ut conspectum ejus concessioni abs-tule-

o) Antiquitt. Romanar. L. I. C. LXIV.

p) Histor. L. I. C. XVI. Cfr. cæterum DIONYSIUS HALIC. L. II. C. LVI, PLUTARCHUS in vita Romuli C. XXVII, & XXVIII, OVIDIUS Fastorum L. II. v. 491 seq., VALERIUS MAXIMUS Dictorum factorumque mirabil. L. V. C. III, FLORUS Rer. Romanar. L. I. C. I.

tulerit, nec deinde in terris fuerit Romulus: Romanam autem pubem, sedato tandem pavore, postquam ex tam turbido die serena & tranquilla lux rediit, ubi vacuam sedem Regiam vidi, etsi satis credebat Patribus, qui proximi steterant, sublimem raptum procella, tamen, velut orbitatis metu istam, moestum aliquamdiu silentium obtinuisse: immo Proculum Julium, equitem Romanum, sollicita civitate desiderio Regis & infensa Patribus (*q*), quo fidem faceret miraculo, in concionem prodiisse, atque populo quoque mirum in modum persuasisse, Romulum, cœlo repente delapsum, se fibi obvium dedisse &, postquam de futura Romæ celebritate locutus fuisset, sublimem (denuo) abiisse. Neque omnino dubium est, quin hoc quoque referendæ sint fabulæ decantatae, non solum de Semiramide, e conspectu hominum se subducente, tanquam migratura ad

B

Deos

- 7) Testatur ipse LIVIUS capite cit., quosdam, qui Regem patrum manibus discepsum taciti arguerent, extitisse; sed hanc, proxime quamvis ad veritatem, prout ponunt DIONYSIUS HALIC. & VALERIUS MAXIMUS (l. l. c. c.), accendentem, famam, perobscuram pronuntiat. Haud itaque mirandum, Patribus infensos fuisse cives Romanos, Proculumque Julium, sicstantibus rebus, magnæ rei auctorem, ut LIVIUS ait, in concionem (ad instar prætorii viri, qui, referente SVETONIO in vita Octavii Cap. CCC. se effigiem cremati euntem in cœlum vidisse, juravit) prodiisse.

Deos (r), & Iphigenia, immolatori a Diana erepta &, supposita in sacrificium cerva, in cœlum translata (s), verum etjam de Empedocle, celeberrimo sectæ Pythagoricæ poëta & philosopho, in fauces Ætnæ, ut ad Deos transmigrasse crederetur, se injiciente (t). Quamvis etenim de supremis Empedoclis fatis maxime inter se dissentiant Veteres, aliis eum noctu e medio suorum, cœlesti lumine illucenti, sublatum, aliis in monte laudato ignivomo consumtum, aliis in mare prolapsum & extinctum, aliis in Peloponesum secessisse ibique mortuum fuisse, aliis vero aliter, referentibus (u); per se tamen ex hisce, quantumvis inter se diversis, narrationibus patet, aut casu quodam, de quo nihil certi rescire licuit posteris (v), humanis rebus excessisse

Em-

r) Vid. DIODORUM Sic. L. II. C. XX,

s) Cfr. EURIPIDES ad finem *Iphigeniae in Aulide*.

t) Vid. DIOGENEM LAËRTIUM L. VIII. S. 69, LUCIANUM de morte peregr. (initio Libri) coll. Dial. Minippi & Zaci, SUIDAM in Lex. sub nom. εμπεδοκλης, HORATIUM art. poët. v. 464 seqq.

u) Vid. DIOGENEM LAËRT L. c. S. 67 – 74, it. STRABONEM L. VI. p. 420, 21. Edit. cit.

v) Narrat quidem STRABO I. c., alterum calceorum, quos Empedocles, dum in craterem Ætnæ defiliret, gestasse fertur æreos, secundum quosdam foris fuisse repertum non procul a labro crateris, scilicet fursum vi ignis eje-

Empedoclem, aut etjam illico se suis subduxisse & quod vitæ erat reliquum more anachoretarum transegisse, indeque omnino fabulam de migratione sua ad superos originem ducere. — Quid? quod in ipsa Historia Sacra ejusdem farinæ occurrant legenda. Ut enim taceamus, narrationem de Henochi αΠανισμῷ (x) nihil aliud habere in recessu, quam, insignis pietatis virum, præmatura morte, cuius neque locus neque genus cuiquam innotuerit, obiisse (y), famosa Eliae, per equos & currum igneum (h. e. inter fulmina ac tonitrua, ad instar Romuli) in coelum evecti, satis superque testatur historia (z), non nisi oculis & consortio hominum, vitam privatam & anachoreticam agendi gratia, illico se subtraxisse Prophetam, Regibus Israëlis æque invisum, ac maxime inclytum, eoque pacto opinatam ejus, ne Josepho quidem, qui ipse erat Judæus, verisimilem (aa), ad coelites translationem, eodem utique loco

ctum (quod & SUIDAS l. c. refert); sed neque ipse credit, nec quisquam crediderit.

x) *Genes. V. 21 — 24.*

y) Cfr. ROSENMÜLLERI *Schol.* in l. c.

z) *II. Reg. II.*

aa) *Antiquitt. Jud. L. IX. C. II*, ubi verba ita sonant: Ηλίας εξ ανθρωπῶν ηφαντή καὶ συδεις εγγὼ μεχεις τῷ σημεροῦ αὐτου την τελευτην. — περὶ μετοιγε Ηλία, καὶ

loco ac supra commemoratas fabulas esse habendam (bb). Quod si quis autem arrogantius & παραδοξότερον dictum existimet, redeat, quæsumus, in memoriam, sic dictam Eliæ in coelum migrationem regnante in Judæa Jesaphato incidisse, mortuo vero ipso, filium ejus & in imperio successorem, Joramum, nihilominus ab eodem Elia accepisse litteras (cc): atque speramus, nosmet, quia omnem humanam fidem, quales jam sunt homines, excedat, coelites cum mortalibus litterarum miscere commercia, fore excusatos.

Εγωχε τε γενομένες πέρι της επομβείας, εν ταῖς ιεραῖς αναγεγραπταῖς βιβλοῖς, ἵστη γεγονότων αφάνεις, θαυμάτων δύναμις οὐδεὶς οἶδεν.

bb) Statuerunt quondam Patres Ecclesiastici, Ethnicorum dogmata & fabulas e sacris Christianorum emanasse fontibus; neque, seniori ætate, defuere, qui, idem urgendo, veritati Historiæ Divinæ optime consuluisse sibi videbantur: quis vero nostra ætate crediderit? Habeat itaque sibi HUETIUS, quando v. gr. statuit (*Quæstion Alnetan. L. II. C. III. p. 121*), fabulam de Minerva e cerebro Jovis nascente, dogmatis de Dei filio a Patre procedente esse symbolum!

cc) Cfr. *II Chron. XXI. 12'*, cum *II Reg. II & III* impr. *III. v. II.*
